



*«ՄԵՎԱՆԻ Խ.ԱԲՈՎՅԱՆԻ ԱՆՎԱՆ ԱՎԱԳ ԴՊՐՈՑ»*

*ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ  
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ  
ԴԱՍԸՆԹԱՑ 2022*

*ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ*

*ԹԵՄԱ՝ ԲԱԹՈՒՄԻԻ ՊԱՅՄԱՆԱԳԻՐԸ ԵՎ ՆՐԱ*

*ԳՆԱՀԱՏԱԿԱՆԸ ԺԱՄԱՆԱԿԱԿԻՑՆԵՐԻ ԿՈՂՄԻՑ*

*ԱՌԱՐԿԱ՝ ՊԱՏՄՈՒԹՅՈՒՆ*

*ՀԵՂԻՆԱԿ՝ ՀԵՐՄԻՆԵ ՍԱՐԳՍՅԱՆ*

*ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ՝ ԳԵՂԱՐՔՈՒՆԻՔԻ ՍԱՐԶԻ*

*ՄԵՎԱՆԻ Ս. ՄԱՇՏՈՑԻ ԱՆՎԱՆ N 1 ՀԻՄՆԱԿԱՆ ԴՊՐՈՑ*

## Բովանդակություն

Ներածություն .....	3
Գլուխ 1. Հայաստանի Հանրապետության տարածքային աճը 1918 - 1920թթ.-ին .....	6
Հայտարարություն.....	9
Գլուխ 2. Բաթումիի պայմանագիրը.....	11
Գլուխ 3. Բաթումիի պայմանագրի գնահատականը.....	15
Ժամանակակիցների կողմից.....	15
Եզրակացություն .....	17
ՕԳՏԱԳՈՐՎԱԾ ԳՐԱԿԱՆՈՒԹՅԱՆ ՑԱՆԿ.....	19

## Ներածություն

Ինչպես գիտենք, Հայաստանի առաջին հանրապետությունն առաջացավ պատմական մի բարդ ժամանակահատվածում:

Այդ շրջանում աշխարհը գտնվում էր Առաջին համաշխարհային պատերազմի մեջ: Հենց այս շրջանում էլ Թիֆլիսում գործող Հայոց Ազգային խորհուրդն որոշում է հռչակել Հայաստանի անկախությունն:

Սրան նախորդող իրադարձությունների մեջ Անդրկովկասյան Սեյմի լուծարումով Վրաստանն 5 ժամ անց արդեն լուծարված Սեյմի դահլիճում հռչակեց իր անկախությունն (մայիսի 26), հաջորդ օրն (մայիսի 27-ին) հայտարարվեց Արևելակովկասյան մուսուլմանական Հանրապետության (ԱԿՄՀ) անկախությունն: Մայիսի 28-ին Թիֆլիսում Հայոց Ազգային խորհուրդն վճռեց հռչակել Հայաստանի անկախությունն: Հայ ժողովրդի ազատագրական պայքարի շրջադարձային իրողություններից ամենաուշագրավը, ավելի քան 600 տարվա ընդմիջումից հետո, հայոց ութերորդ պետության կերտումն էր 1918 թվականին: Նրա մասին նույնպես հայ ժողովուրդը առասպելներ, ասքեր ու երգեր է հորինել: Փաստ է, որ 20-րդ դարում կերտված հայոց երեք հանրապետությունների ծնունդն ու քաղաքական կարգավիճակի փոփոխություններն անմիջականորեն կապված են եղել ռուսական կայսրության մակընթացությունների ու տեղատվությունների հետ: Հենց առաջին տեղատվության ակնթարթում ծնվեց հայոց առաջին հանրապետությունը:

Հարյուրամյակների ընդմիջումից հետո կրկին վերականգնվեց հայոց անկախ պետականությունը: Հայաստանի անկախության հռչակումը, իրավամբ, շրջադարձ եղավ հայ ժողովրդի քաղաքական և հոգևոր-մշակութային կյանքում: Դրանով կարելի է ասել, որ փակվում է հայ ժողովրդի ողբերգական և հերոսական դրվագներով հարուստ նոր պատմության ժամանակաշրջանն ու սկսվում նորագույն՝ հայկական պետականությունների պատմության դարաշրջանը:

Նման անկախությունը մեծ դժգոհություններ է առաջացնում Օսմանյան կայսրությունում, ինչի հետևանք է հանդիսանում Բաթումի պայմանագիրը կնքված 1918թ, որը,

այսպես կոչված հաշտության և բարեկամության պայմանագիր էր Օսմանյան կայսերական կառավարության և Հայաստանի Հանրապետության միջև: Թուրքիայի կառավարության անունից պայմանագիրը ստորագրել են Խալիլ բեյը, Վեհիբ Մեհմեդ փաշան, Հայաստանի

Հանրապետության կառավարության անունից Ալեքսանդր Խատիսյանը, Յովհաննես Բաջազունին, Մ.Պապաջանովը: Պայմանագիրը պարտադրված ակտ էր ռազմական գերակշռություն ունեցող Թուրքիայի կողմից,

և ստորագրվել է Անդրկովկասում թուրքերի հարձակման պայմաններում:

Օսմանյան կայսերական կառավարությունը մի կողմից և իրեն անկախ հռչակած Հայաստանի Հանրապետության կառավարությունը մյուս կողմից, փոխադարձաբար համաձայնվելով երկու կողմերի միջև հաստատել բարեկամական, բարիդրացիական հարաբերություններ քաղաքական, իրավաբանական, տնտեսական և մտավոր բնագավառներում, ՀՀ-ում իրենց լիազորներ է նշանակում: Իրավիճակը փոխվում է Առաջին Համաշխարհայինից հետո, քանի որ Առաջին Համաշխարհային պատերազմում Օսմանյան կայսրությունն գլխովին ջախջախվեց և ի վերջո կանգնեց փլուզման վտանգի առջև:

Պարտված Օսմանյան Թուրքիան դարձել էր Անտանտի խամաճիկը:

Ինչպես արդեն գիտենք, 1918թ. Յունիսի 4-ին Թուրքիայի հետ Բաթումում հաշտություն կնքելուց հետո Հայաստանի Հանրապետությունը հայտնվել էր արտաքին ու ներքին չափազանց ծանր դրության մեջ: Ընդամենը 12 հազ. քառ. կմ տարածք, թուրք-թաթարական շրջափակում, հարյուր հազարավոր գաղթականություն և այլն:

1918թ. ամռանը Հայաստանի պատվիրակությունը (Նախագահ Ա. Ահարոնյան) փորձ արեց բանակցել Բառյակ միության երկրների (Գերմանիա, Ավստրո-Հունգարիա, Թուրքիա, Բուլղարիա) հետ Բաթումի պայմանագիրը փոքր-ինչ մեղմելու նպատակով, բայց արդյունքի չհասավ:

Քանի դեռ շարունակվում էր աշխարհամարտը, Անդրկովկասում տերուտնօրինություն էին անում Բառյակ միության երկրներից Գերմանիան և Թուրքիան: Նրանք նույնիսկ մրցակցում էին իրար հետ, թե տարածաշրջանում ով ավելի մեծ ազդեցություն կնվաճի: Նրանց համար մեծ գրավչություն ուներ ադրբեջանական Նավթը: Հայաստանը իրավունք չուներ հարաբերվել այլ պետությունների և հատկապես Անտանտի երկրների ու Ռուսաստանի հետ:

Այս վիճակը շարունակվեց մինչև 1918թ. վերջերը Առաջին աշխարհամարտի ավարտը: Անտանտը հաղթեց Բառյակ դաշինքին: Պարտված Գերմանիան և Թուրքիան իրենց զորքերը դուրս բերեցին Անդրկովկասից:

Այժմ արդեն տարածաշրջանում ազդեցիկ դիրք գրավեց Անտանտի երկրներից Անգլիան: Աշխարհամարտի ավարտից հետո Հայաստանի արտաքին քաղաքական վիճակը փոքր –ինչ բարելավվեց, և նա սկսեց ավելի ակտիվ արտաքին քաղաքականություն վարել:

Անտանտը Օսմանյան կայսրության տարածքը բաժանել էր իր մեջ և հաշտության պայմանագրով լուծում էր ստանալու նաև Հայկական Հարցը: 1920թ. օգոստոսի 10-ին Սևրում (Փարիզի մոտ), Թուրքիայի սուլթանական կառավարության և 1914-18թթ առաջին համաշխարհային պատերազմում հաղթած դաշնակից պետությունների (Մեծ Բրիտանիա, Ֆրանսիա, Իտալիա, Ճապոնիա, Բելգիա, Յունաստան, Լեհաստան, Պորտուգալիա, Ռումինիա, Հայաստան, Չեխոսլովակիա, Սերբերի, խորվաթների և սլովենների թագավորություն, Հեջագ) միջև: Հայաստանի Հանրապետության անունից պայմանագիրը ստորագրել է Ավետիս Ահարոնյանը:

Ներքոնշյալ աշխատանքում մանրամասն կներկայացվի Բաթումիի և Սևրի պայմանագրերի ազդեցությունները Հայկական հարցի վրա:

## Գլուխ 1. Հայաստանի Հանրապետության տարածքային աճը 1918 - 1920թթ.-ին

Հայ ժողովուրդը հազարամյակների պատմության ընթացքում իր ինքնությունը պահպանելու համար հարկադրված է եղել ընդդիմանա արևմուտքից և արևելքից իրեն շրջապատող հզոր տերությունների հարձակումներին: Փոխվել են աշխարհակալ հարևան պետությունները, բայց անփոփոխ են մնացել Հայաստանը գրավելու, իրենց միաձուլելու նրանց նկրտումները՝ ձգտումները:

Անհավասար այդ պայքարում հայ ժողովուրդը հաճախ զրկվել է անկախ պետականությունից, բայց կարողացել է գոյատևել, պահպանել իր ազգային նկարագիրը:

Կորցրել է պետականությունը, սակայն երբեք չի համակերպվել այդ վիճակի հետ,

մշտապես մաքառել է պետականությունը վերականգնելու համար: Ավելին,

այն վերականգնելու ձգտումը այնքան զորեղ է եղել և այն աստիճան է համակե ստեղծագործ ու հայրենասեր հայ ժողովրդին, որ փայ փայել է անկախ պետություն ունենալու ցանկությունը:

Ազգային պետությունը վերականգնելու ձգտումը չխամրեց նաև 20-րդ. դարի 1- ին կեսերին:

1900-ական թթ -ին հայ ժողովուրդը սկսել է իր պայքարը թուրքական զավթիչների դեմ: Հայաստանը հայտնվել էր մեծ տերությունների և հատկապես Թուրքիայի մեծ տարածքներ նվաճելու պայքարում: Հայաստանի կյանքում մեծ դեր է խաղացել նաև Ռուսաստանը: Աշխատանքը նվիրված է Հայաստանի Հանրապետության տարածքային աճին 1918, 1919 և 1920թթ.-ին: Այս թեման կարևորվում է այնքանով, որ փորձ է արվում ցույց տալ տվյալ թվականն Հայաստանի դրությունը միջազգային հարաբերությունների հորձանուտում, դրա տեղն ու դերը աշխարհում: Թեման գրելիս օգտագործվել են տարատեսակ նյութեր: Աշխատանքում տեղ են գտել հայ վրացական, հայ – թուրքական պայամանագրերի լուսաբանում: Անդրկովկասի անկախության հռչակումից հետո (1918թ. ապրիլի 22) Ե. Գեգեչկորին հրաժարական տվեց և կազմվեց նոր կառավարություն՝ Ա.Չխենկելիի գլխավորությամբ:

Սեյմը որոշել էր թուրքերի հետ Տրապիզոնում ընդհատված հաշտության բանակցությունները շարունակել Բաթումում:

Բաթումի հաշտության կոնֆերանսին մասնակցելու համար կազմվեց Անդրկովկասյան Նոր պատվիրակություն հետևյալ կազմով. Ա. Չխենկելի՝ նախագահ, Ն. Նիկոլաձե, Ա. Խատիսյան, Յ. Զաջազունի, Մ. Չաջինսկի, Խան-Խոյսկի: Գեներալ Գ. Ղորղանյանը,

Ս. Վրացյանը և ուրիշներ նշանակվեցին խորհրդականներ:

Բաթումի կոնֆերանսի հանդիսավոր բացումը տեղի ունեցավ 1918 թվականի մայիսի 11-ին: Թուրքերի կողմից կոնֆերանսին մասնակցում էին Խալիլ բեյը, Վեհիբ փաշան և ուրիշներ, Գերմանիայի կողմից՝ գեներալ Ֆոն Լոսովը և ուրիշներ: Նախագահում էր Խալիլ բեյը:

Ա. Չխենկելին առաջարկեց իբրև բանակցությունների հիմք ընդունել Բրեստ-Լիտովսկի դաշնագիրը, սակայն Խալիլ բեյը վճռականորեն մերժեց այդ առաջարկը, պատճառաբանելով, որ Տրապիզոնի բանակցությունների խզումից հետո Նոր դեպքեր են տեղի ունեցել՝ պատերազմ է եղել Թուրքիայի և Անդրկովկասի միջև, արյուն է հոսել, ուստի այլևս անկարելի է գոհանալ Տրապիզոնում ներկայացված պայմաններով: Այնուհետև Խալիլ բեյը Չխենկելիին հանձնեց մի կնքված ծրար, որի մեջ էր Թուրքիայի և Անդրկովկասի հանրապետության միջև կնքված հաշտության պայմանագրի Նոր նախագիծը:

Դրանով էլ Բաթումի խորհրդաժողովի առաջին ու վերջին նիստն ավարտվեց:

Ներկայացված նախագիծը բաղկացած էր 12 հոդվածներից, 3 հավելվածներից և սարսափելի ծանր պայմաններ էր պարունակում ամբողջ Անդրկովկի Վրաստանի և մանավանդ, Հայաստանի համար:

Վրաստանից գրավվում էր Բաթումի շրջանը՝ նավահանգիստով, Ախալցխայի գավառը: Հայաստանից խլվում էին Ալեքսանդրապոլը, Ախալքալաքը, Շիրակը, Էջմիածնի գավառների մեծ մասը, Սուրմալուն, Ալեքսանդրապոլ-Կարս և Ալեքսանդրապոլ-Ջուլֆա երկաթուղին: Հայաստանը փաստորեն չէր մնում, հայերին թողնվում էր հազիվ 11.000 քառակուսի վերստին լեռնոտ տարածություն Արագածի և Սևանա լճի միջև: Հողային պայմաններին զատ դրվում էին և չափազանց ծանր տնտեսական, առևտրական, ռազմագիտական և այլ պահանջներ:

Հայ ժողովրդի մղած Մայիսյան հերոսամարտերից հետո պարզ դարձավ, որ Անդրկովկասը արագ քայլերով գնում էր դեպի քայքայում, որովհետև օրեցօր սաստկանում էին հակամարտությունները վրացիների, ադրբեջանցիների ու հայերի միջև:

Վրացիները որոնում էին գերմանացիների հովանավորությունը և գաղտնի բանակցություններ էին վարում նրանց հետ դեռևս Տրապիզոնում, ադրբեջանցիները բռնել էին թուրքամետության ուղին և տանում էին նրանց դեպի Բաքու, որն այդ օրերին բոլշևիկների ձեռքին էր:

Հայերը մնացել էին մենակ և օրհասական կռիվ էին մղում առաջ շարժվող թուրքական զորքերի դեմ:

1918 թվականի մայիսի 26-ին Բաթումում Խալիլ բեյը Չիտենկետուն հանձնեց վերջնագիր, որով պահանջվում էր 72 ժամվա ընթացքում պատասխանել երկու շաբաթ առաջ իրենց ներկայացրած հաշտության նախագիծն ընդունելու կամ չընդունելու մասին: Նույն օրը՝ 1918 թվականի մայիսի 26-ին, Թիֆլիսում գումարվեց Սեյմի վերջին, ողբերգական նիստը, որը վրացիների պնդմամբ ընդունեց հետևյալ բանաձևը.

Նկատի ունենալով, որ պատերազմի և խաղաղության խնդրումեր և անեկան հիմնական տարակարծություններ Անդրկովկասի անկախ հանրապետությունը կամ զոդագգերի միջև, որով անհնար է դառնում ամբողջ Անդրկովկասի համար մի հեղինակավոր իշխանության գոյությունը, Սեյմը արձանագրում է Անդրկովկասի քայքայման փաստը և հայտարարում չեղյալ իր լիազորությունները:

1918 թվականի մայիսի 26-ին կեսօրին Սեյմը ցրվեց, իսկ հինգ ժամ անց, նույն սրահում գումարվեց Վրաց ազգային խորհրդի նիստը՝ Նոյ Ժորդանիայի նախագահությամբ, որը հանդիսավորապես հռչակեց Վրաստանի անկախությունը:

Վրացիների վարմունքը սարսափելի կացություն ստեղծեց հայերի համար և առաջացրեց նրանց անսահման վրդովմունքը: Հայերը, ոչ առանց հիմքի, նենգ դավադրություն ու դավաճանություն էին տեսնում վրացիների վարմունքի մեջ: Նրանք զգում էին, որ վատ խաղ են խաղացվել իրենց գլխին: Նույնիսկ նույն օրը՝ մայիսի 26-ի երեկոյան, Հայոց Ազգային խորհուրդը բուռն վիճաբանություններից հետո ձայների ճնշող մեծամասնությամբ որոշեց բողոքել Վրաստանի անկախության դեմ, սակայն դեպքերի հետագա զարգացման հետևանքով այդ որոշումը չգործադրվեց:

Այդ օրերին հայ գործիչների մեջ միաձայնություն չկար: Ա. Ահարոնյանը, Ստ. Մամիկոնյանը, Տ. Բեկզադյանը, Ա.Բաբայանը, Ռ. Տեր Մինասյանը և Էս. Էռները վճռականորեն դեմ էին անկախությանը: Խ. Կարճիկյանը, Ս. Հարությունյանը, Ավ. Շահխաթունյանը, Ս. Վրացյանը, Ա. Երզնկյան, մենչևիկները կողմնակից էին շուտափույ թ կերպով Հայաստանի անկախությունը հայտարարելու Այդ հարցում վճռական խոսք ասաց ՀՀԴ -ն: Մայիսի 26-ի երեկոյ ան տեղի ունեցավ ՀՀԴ Թիֆլիսի կոմիտեի արտակարգ նիստը, որն անհրաժեշտ գտավ, որ Հայոց Ազգային խորհուրդը, ուժեղացնելով իր կազմը, ստանձնեց իր կառավարման ֆունկցիաներ:

1918 թվականին մայիսի 27-ին Ադրբեջանի ազգային խորհուրդը հայտարարեց Ադրբեջանի անկախությունը:



Անկախության հայտարարության վրա պնդում էին նաև Բաթումից վերադարձած հայ ներկայացուցիչները՝ Յ. Քաջազունին, Ա. Խատիսյանը, Մ. Պապաջանյանը,

որոնք մայիսի 27-ի երեկոյան մանրամասնորեն զեկուցեցին բանակցությունների ընթացքի և ստեղծված իրավիճակի մասին: Հաջորդ օրը՝ 1918 թվականի մայիսի 28-ին Հայոց Ազգային խորհուրդը որոշեց Բաթում ուղարկել հայկական պատվիրակությունը (Յ. Քաջազունին, Ա. Խատիսյանը, Մ. Պապաջանյանը), տալով նրան անկախ Հայաստանի անունից թուրքերի հետ բանակցելու և հաշտություն կնքելու բացարձակ լիազորություն: Իսկ Հայաստանի անկախության հայտարարությունը, ինչպես Ս.Վրացյանն է նշում՝ եղել է ավելի ուշ՝ մայիսի 30-ին, ավելի արտաքին ճնշումների տակ, քան Ազգային խորհրդի հոժար կամքով:

Մայիսի 29-ին գումարվեց ՀՀԴ Արևելյան և Արևմտյան բյուրոների, ՀՀԴ Թիֆլիսի Կենտրոնական կոմիտեի, Սեյմի ու Ազգային խորհրդի դաշնակցական ներկայացուցիչների միացյալ նիստը, որտեղ որոշվեց Հայաստանը հայտարարել անկախ հանրապետություն, կազմել կառավարություն միջկուսակցական հիմունքներով՝ մինչև օրենսդրական ժողովի գումարումը:

Որոշվեց նաև Ազգային խորհուրդն ու կառավարությունը տեղափոխել Երևան, որը պիտի դառնար Հայաստանի Հանրապետության մայրաքաղաքը:

Այդ ժողովից հետո 1918թ. Մայիսի 30-ին Հայոց Ազգային խորհուրդը հրապարակեց հետևյալ հայտարարությունը, որն, թեև իսկական առումով անկախության հռչակում չէր, բայց դեպքերի բերումով դարձավ այդպիսին:

### Հայտարարություն

<<Անդրկովկասի քաղաքական ամբողջության լուծումով և Վրաստանի ու Ադրբեջանի անկախության հռչակումով ստեղծված նոր դրության հանդեպ Հայոց Ազգային խորհուրդը իրեն հայտարարում է հայկական գավառների գերագույն և միակ իշխանություն: Որոշեց ծանրակշիռ պատճառներով թողնելով մոտիկ օրերը կազմել հայոց ազգային կառավարություն:

Ազգային խորհուրդը ժամանակավորապես ստանձնում է կառավարական բոլոր ֆունկցիաները՝ հայկական գավառների քաղաքական և վարչական դեկը վարելու համար:

Հայոց Ազգային խորհուրդ, 1918թ. Մայիսի 30, Թիֆլիս>>: Այս բանաձևի հեղինակը Նիկոլ Աղբալյանն էր: Այսպիսով՝Հայաստանի անկախության հայտարարության օրը իսկապես պետք է համարվի մայիսի 30-ը, սակայն, հակառակ դրան, համարվում է մայիսի 28-ը, այսինքն՝ այն օրը, երբ Ազգային խորհուրդը որոշեց հայկական պատվիրակություն ուղարկել Բաթում, իսկ հաշտության բանակցություններ վարելու թուրքերի նախապայմանը

անկախության հայտարարությունն էր, ուստի այդ օրն էլ կարող է համարվել անկախության սկզբնավորության օր:

Այսպես թե այնպես, Հայաստանի Հանրապետության ծագման օրը եղավ մայիսի 28-ը: Այդ օրը դարձավ նվիրական հայ ժողովրդի համար, մտավ ազգային տոնացույցի մեջ, իբրև սրբազան օրերից մեկը:

Մեր պատմության այդ ծանրագույն ժամանակաշջանը միաժամանակ ազգային իղծերի իրականացմա նժամանակաշրջան էր:

Հինգ դարից ավելի կորցրած պետականության վերականգնումը մեր հինավուրց ժողովրդի դարավոր բաղձանքն էր, որն իրականացավ համառ պայքարով, անթիվ զոհերով ու զրկանքներով:

Հայկական պետական վերականգնումը հայ ժողովրդի մեծագույն հաղթանակներ, բեկումնային իրադարձություննով կյանքում, բազմադարյան պատմության մեջ:



## Գլուխ 2. Բաթումիի պայմանագիրը

Հայաստանի պետականության վերականգնման և Հայաստանի Հանրապետության ստեղծման փաստը ի լուր ամբողջ աշխարհի հայտնել են Հայոց Ազգային խորհրդի նախագահ Ա.Ահարոնյանը, վարչապետ Յ. Զաքարյանը, արտաքին գործերի նախարար Ա. Խատիսյանը՝ հետևյալ հակիրճ ու հստակ ծանուցմամբ.

<<Անդրկովկասյան հանրապետության կազմալուծումից հետո Հայոց Ազգային խորհուրդը, այն իրավունքների հիման վրա, որով նրան լիազորել է հայ ժողովուրդը, 1918 թվականի մայիսի 28-ին որոշվեց հռչակել հայկական պետության անկախությունը, հիմնեց Հայկական ժողովրդավարական Հանրապետություն>>:

Հայոց ազգային խորհրդի պատվիրակներ Ա. Խատիսյանը (պատվիրակության նախագահ), Յ. Զաքարյանը և Մ. Պապաջանյանը Բաթում հասան 1918 թ. մայիսի 30-ին և նույն օրն էլ, երեկոյան ժամը 5-ին, սկսվեցին բանակցություններ հայկական և օսմանյան պատվիրակությունների միջև: Մի շարք նիստերից հետո կողմերը եկան համաձայնության և 1918թ. հունիսի 4-ին ստորագրվեց Հաշտության և բարեկամության պայմանագիր Օսմանյան կայսերական կառավարության և Հայաստանի Հանրապետության միջև, երեք հավելվածներ, որոնք վերաբերում էին տրանզիտին, սահմանակից շրջաններում առևտրին, կրոնական ազատություններին և մեկ համաձայնագիր՝ երկաթուղային գույքի բաշխման մասին:

Թուրքական կողմից այն ստորագրեցին պետական խորհրդի նախագահ Խալիլ բեյը և Կովկասյան ռազմաճակատի օսմանյան զորքերի գլխավոր հրամանատար, գեներալ-լեյտենանտ Վեհիբ Մահմեդ փաշան, հայկական կողմից՝ Ա. Խատիսյանը, Յ. Զաքարյանը և Մ. Պապաջանյանը: Դա առաջին միջազգային փաստաթուղթն էր, որ ստորագրում էին անկախ ՀՀ ներկայացուցիչները:

Բաթումի հիմնական դաշնագիրը բաղկացած էր 14 հոդվածներից:

- ✓ Առաջին հոդվածն արձանագրում էր, որ Օսմանյան կայսերական կառավարության և ՀՀ կառավարության միջև հաստատվում է հաշտություն և մշտական բարեկամություն:
- ✓ Երկրորդ հոդվածը գծում էր հայ-թուրքական սահմանը:
- ✓ Թուրքիային էին անցնում ոչ միայն Արևմտյան Հայաստանը, այլև Արևելյան Հայաստանի տարածքի զգալի մասը՝ Շարուր-Ղարալագյազը, Նախիջևանը, Սուրմալուն, Կարսը, Կաղզվանը, Սարիղամիշը, Ախալքալաքը, Լոռին: Հայաստանը բաղկացած էր լինելու Նոր Բայազետի գավառից, Երևանի, Էջմիածնի, Ալեքսանդրապոլի և Ղարաքիլիսայի գավառներից մի մասից՝ ընդամենը 9.000

քառակուսի (մոտ 11.000 քառակուսի կիլոմետր) տարածություն: Պետական սահմանն անցնում էր Երևանից 7 կիլոմետր հեռավորության վրա: Թուրքիան հայերին էր հատկացնում ամբողջ Անդրկովկասի տարածքի 5 տոկոսը, որտեղ բնակվում էր ընդամենը 310 հազարմարդ, որից էլ հայեր՝ 230 հազար: Մինչդեռ Վրաստանին տրվում էր երկրամասի տարածքի 33 տոկոսը՝ 61.000 կմ քառակուսի, Ադրբեջանին՝ 38 տոկոս՝ 70.000 կմ քառակուսի: Հայերը պահանջում էին 54.5 հազար կմ քառակուսի, որը 29 տոկոսն էր, բայց ստացան 5 տոկոս: Կովկասահայության ճնշողմասը՝ 1 միլիոն 200 հազարմարդ, բնակվելու էին ՀՀ սահմաններից դուրս: Կ. Պոլսում Գերմանիայի դեսպան Բրենսդորֆի արտահայտությամբ՝ «Թուրքերը հայ երին տեղ տվեցին Սևանում լողալու համար, բայց դուրս գալու՝ չորանալու համար, տեղ չտվեցին»:

Ստորագրված հավելվածներով թուրքական զորքերն իրավունք էին ստանում անարգել անցնել Հայաստանի տարածքով, օգտվել Ղարաքիլիսա-Ղազախսճուղուց՝ զորամասեր և ռազմամթերք փոխադրելու համար:

Թուրքիան համաձայնեց ինքնիշխան Հայաստանի գոյությանը այն հաշվով, որ տնտեսապես թույլ և չնչին տարածք ունեցող Հայաստանը չի կարող վտանգ սպառնա Թուրքիային, իսկ հեռանկարում նրանք տեսնում էին այդ Հայաստանի վերացումը:

- ✓ Երրորդ հոդվածը նախատեսում էր, որ հայ-ադրբեջանական սահմանի վերաբերյալ համաձայնագրի մասին պիտի հաղորդվի օսմանյան կառավարությանը:
- ✓ Չորրորդ հոդվածով օսմանյան կառավարությունը պարտավորում էր զենք իուժով օգնություն ցույց տալ ՀՀ կառավարությանը այն դեպքում, եթե վերջինս այդ օգնությունը խնդրեր՝ երկրում կարգն ու հանգստությունը ապահովելու համար:
- ✓ Հատուկ ուշադրության է արժանի հինգերորդ հոդվածը, որով ՀՀ կառավարությունը պարտավորվում էր գործուն կերպով հակազդել, որպեսզի ոչ մի բանդա չկազմավորվի և չզինվի իր տարածքում, ինչպես և զինաթափել ու ցրել բոլոր բանդաները, որոնք կփորձեն թաքնվել այնտեղ:

Խոսքն այստեղ վերաբերում էր Անդրանիկի զորամասին և գոյություն ունեցող ֆիդայական խմբերին:

Հատկանշական է, որ այդ հոդվածի հիշատակում Ս. Վրացյանի մոտ բացակայում է:

- ✓ Վեցերորդ հոդվածում խոսվում էր ՀՀ-ում բնակվող մուսուլմանների կրոնը հարգելու մասին,
- ✓ Յոթերորդ հոդվածը վերաբերում էր հյուպատոսական կոնվենցիային,
- ✓ Ութերորդը՝ երկաթուղային տարիֆներին, իններորդը՝ փոստային և հեռագրական կապին, տասներորդը՝ կողմերի քաղաքացիների անշարժ գույքի տնօրինմանը:

- ✓ Ուշագրավ է տասնմեկերորդ հոդվածը, ըստ որի, ՀՀ կառավարությունը պարտավորվում էր գործադրել բոլոր ջանքերը՝ որպեսզի Բաքու քաղաքից անհապաղ եվակուացվեն այնտեղ գտնվող բոլոր հայկական գինվորական ուժերը:
- ✓ Տասներկուերորդ հոդվածով կողմերը պայմանավորվում էին ուժի մեջ թողնել Բրեստ-Լիտովսկի պայմանագրի դրույթները, տասներեքերորդը վերաբերում էր զորքերի եվակուացիային,
- ✓ իսկ վերջին՝ տասնչորսերորդ հոդվածը նախատեսում էր պայմանագիրը փոխադարձաբար վավերացնել մեկ ամսվա ընթացքում:

Բաթում պայմանագրի մասին Ս. Վրացյանն իր խոսքն ավարտում է այսպես՝ վերջնահաշվարկը, հավանաբար, թողնելով ընթերցողին. «<Այսպես,-գրում է նա,-ըստ Բաթումի դաշնագրի, Հայաստանը դառնում էր անկախ պետություն: Ահուղողով մտնում էր նա ինքնիշխան ազգերի համակեցության մեջ, իբրև ազատ անձնավորություն միջազգային իրավունքի:

Նրա հողի տարածությունը մոտավորապես 12.000 քառակուսի կիլոմետր էր, բնակչության թիվը գաղթականներով միասին՝ մոտ մեկ միլիոն: Եվ մայրաքաղաքից յոթ կիլոմետր հեռու երևում էին թուրքական թնդանոթները...>>: Բաթումի պայմանագիրը ոչ թե թուրքական «գթասրտության» արդյունք էր, նրանց «պարզևն էր» հայերին,ինչպես փորձում էին ներկայացնել Կարաբեքիրը, Վեհիբը և ուրիշներ, այլ թուրքական քաղաքականության շրջադարձի պատճառը,ինչպես երևում է Խալիլ բեյի, Նույն Վեհիբ փաշայի և Շևքի փաշայի ականա խոստովանանքներից, Սարդարապատի, Բաշ-Ապարանի և Ղարաքիլիսայի տակ հայերի հերոսամարտերն էին: Դեռևս 1920 թ. Ապրիլի 20-ին, ժխտելով Հայաստանի անկախությունը թուրքական շնորհի համարելու մտայնությունը, Համի Օհանջանյանը հայտարարել է. «Իր անկախությունը պաշտպանելու պատրաստակամությունը հայ ժողովուրդը ապացուցել է Սարիղամիշի, Սարդարապատի, Ղարաքիլիսայի և այլ մարտերում, ուր Հայաստանի հազարավոր զավակներ զոհվեցին այդ անկախության համար...


Հայ ժողովուրդը իր այս զոհերով ստեղծեց անկախ և ինքնիշխան Հայաստանի Հանրապետությունը»: Ավելացնենք նաև, որ Ղարաքիլիսայի հերոսամարտում զոհվել էր

Հ. Օհանջանյանի ավագ որդին՝ Մոնիկը: Բաթումի պայմանագրով Անդրկովկասից Թուրքիային բռնակցվեց 38 հազար քառակուսի տարածք, որը պոկված էր Հայաստանից և Վրաստանի հայաբնակվայրերից: Այդ տարածքը 12.5 հազար քառակուսի կիլոմետրով ավելին էր այն տարածքից, որ թուրքերը զավթել էին Բրեստի դաշնագրով:

Սակայն Բաթումի թալանչիական պայմանագիրը կարճատև գոյություն ունեցավ: 1918 թվականին Մուդրոսի զինադադարով Օսմանյան կայսրությունը ճանաչեց իր անվերապահ պարտությունը Առաջին համաշխարհային պատերազմում, և դեկտեմբերի սկզբին թուրքական զորքերը հեռացան Անդրկովկասից, իսկ Կարսի մարզը դատարակեցին 1919 թվականի ապրիլին:

Բաթումի  
պայմանագիր

Ամենայն Հայոց Կաթողիկոս  
Գևորգ Ե. Մուրեյանց



### Գլուխ 3. Բաթումիի պայմանագրի գնահատականը

#### Ժամանակակիցների կողմից

Պայմանագրի կնքումից անցել է 104 տարի, սակայն ինչպես այն ժամանակ, այնպես էլ հիմա չեն դադարում քննարկել այսպես կոչված «խաղաղության և բարեկամության» պայմանագրի կնքման անհրաժեշտությունը, մանավանդ, որ հայ ժողովուրդը կերտել էր փառահեղ հաղթանակներ մայիսյան հերոսամարտերում:

Ինչպես արդեն ասվեց, պայմանագրի հինգերորդ հոդվածը նախատեսում էր կազմալուծել ՀՀ տարածքում գտնվող կամավոր հայդուկային խմբերը: Ջորավար Անդրանիկը մերժեց ճանաչել Բաթումի ստրկացուցիչ «դաժան» դաշինքը, ինչը և մի շարք այլ տարաձայնություններ կապված կառավարության հետ պատճառ հանդիսացան Անդրանիկի հայրենիքից հեռանալուն:

Բաքվի Ազգային խորհուրդը, ուր մեծամասնություն էին կազմում դաշնակցականները, նույնպես մերժեց այդ դաշինքը, մանավանդ, որ այն ուներ «խաղաղության և հարատև բարեկամության» անունը կրող վերնագիր: Արդյո՞ք թուրքի հետ հնարավոր էր հաստատել հարատև բարեկամություն:

Արևմտահայ դաշնակիցների պաշտոնաթերթ «Աշխատանքը» գրում է. «Եվ եթե կնքված է հաշտությունը, ստորագրված են պայմանները... ապա ուրեմն գործված է հանցանքներից ամենասևը, դավաճանության ամենասոսկալին, որոնց նմանը հայկական տարեգրության մեջ չէ եղած դեռ» (1918թ. հունիսի 5): Շատերը խորհում էին, թե «դաշնակցականները պարզապես ծախեցին Սարդարապատի, Բաշ-Ապարանի և Ղարաքիլիսայի» հաղթանակները:

Հնչակյան մի շարք գործիչներ ևս իրենց բացասական վերաբերմունքը արտահայտեցին Բաթումի պայմանագրի շուրջ:

Պատմաբան Լեոն Հայաստանին մնացած այդ ողորմելի տարածքը իրավամբ համարել է ոչ թե հայ ժողովրդի բնակության տեղ, այլ գերեզման:

Խորհրդային ժամանակաշրջանի պատմագրության մեջ Բաթումի պայմանագիրը գնահատված է միանշանակորեն՝ ընդգծված նրա հակախորհրդային ուղղվածությունը: Խորհրդային պատմագրության մեջ լուրջ քննարկման հարց դարձավ Ալ. Խատիսյանի այն

արտահայտությունը, որ «Եթե չլիներ սուլթանը, չէր լինի նաև ազատ Հայաստանը» (Օ.Պ. Աղայան «Հայ ժողովրդի պատմության նկարագարդ ակնարկներ»): Հեզնանքի առարկա այսպես կոչված «Ազատ Հայաստանը» վերածվեց պանթուրքիզմի ծրագրերին նպաստող գործարքի:

Եթե փորձենք խորանալ դաշնակցական մի շարք գործիչների վարվելակերպի մեջ, ապա այստեղ ևս կա ճշմարտություն: Ճիշտ է, պայմանագիրը ծանրագույն էր հայ ժողովրդի համար, բայց գոնե քաղաքական ձևակերպում էր տալիս հինգ դար պետականություն չունեցող երկրին: Արդեն պետականություն վերագտած երկիրը ունեցավ իր դրոշը, հիմնը, բանակը, թեկուզ և փոքրաքանակ: Որքան էլ փառաբանված է մեր հայդուկապետ Անդրանիկը, այնուհանդերձ չեմ հավանում նրա հայրենիքից հեռանալու փաստը, չէ՞ որ այդ պահին վճռվում էր հայ ժողովրդի ճակատագիրը: Չմոռանանք նաև, որ Առաջին Հանրապետության հիմքի վրա ձևավորվեց այսօրվա Հայաստանի Հանրապետությունը (Երրորդ), տվեց իր խորհրդանիշները:

Այսօր դժվար է լիովին իրական գնահատական տալ կատարվածին: Հայոց պետական գործիչները արել են այն, ինչ կարողացել են, անկախ նրանից ճիշտ է, թե սխալ:

Եզրակացության բաժնում կներկայացնեմ իմ սեփական կարծիքը:



## Եզրակացություն

Ամփոփելով աշխատանքը՝ կարելի է կատարել մի շարք եզրակացություններ:

«Խաղաղության և հարատև բարեկամության» անունը կրող չարաբաստիկ պայմանագիրը պարտադրված ակտ էր ռազմական գերակշռություն ունեցող Թուրքիայի կողմից և արտագրվել էր Անդրկովկասում թուրքերի հարձակման պայմաններում: Ի՞նչ բարեկամության մասին էր խոսք գնում, այն բարեկամության, որով մեզ տրվեց ընդամենը 12 հազար քառակուսի կիլոմետր տարածք ապրելու համար: Ի՞նչ էք կարծում մեզ պիտի օգներ մի պետություն, որը պայմանագրից ընդամենը երեք տարի առաջ իրականացրել էր հայերի ցեղասպանությունը և ոչնչացրել մեկ ու կես միլիոն մարդ:

Բայց, մյուս կողմից, ճակատագրի հեգնանքով, սա անկախ Հայաստանի առաջին միջազգային փաստաթուղթն էր, որով Թուրքիան առաջինը ճանաչեց Հայաստանի անկախությունը: Այլ. Խատիսյանը, ամփոփելով հայ-թուրքական բանակցությունների արդյունքները, իր ուղարկած նամակում գրում էր. «Մենք կբերենք վատ հաշրության պայմանագիր, բայց կբերենք նաև անկախ Հայաստան, տուն, բույն, որտեղ կռվում է ժողովրդական միտքը: Այս բոլորը կկապի, կմիավորի կբարձրացնի ոգին, իսկ դա կարևոր է: Ես հավատում եմ մեր պետությանը»:

Անձամբ ես՝ Հ. Սարգսյանս հակված եմ կարծելու, որ ստեղծված բարդ իրավիճակում պայմանագրի ստորագրումը միակ ելքն էր նորահռչակ անկախությունը պահպանելու համար, չէ՞ որ մահացու վտանգը արևելահայության գլխից լիովին չէր վերացել և անհրաժեշտ էր կնքել պայմանագիր և փոքր-ինչ դադար առնել:

Ինչպես նշել էի ներածական բաժնում թռոջեցիկ անդրադարձ կկատարեմ կապելով Բաթումի պայմանագիրը Սևրի և Ալեքսանդրապոլի պայմանագրերի հետ:

1920թ. օգոստոսի 10-ին ստորագրված Սևրի պայմանագիրը և Վելսոնյան Հայաստանը մեզ խոստանում էր 160 հազար քառակուսի կիլոմետր տարածքով երկիր, երբ իրական Հայաստանը նույն այդ շրջանում՝ 1920-ի աշնանը, խեղդվում և արյունաքամ էր լինում բուլղարիկ-քեմալականների հարվածների տակ: Կամ ոչ պակաս ծանրագույն էր 1920թ-ի դեկտեմբերի 2-ի լույս 3-ի գիշերը ստորագրված Ալեքսանդրապոլի պայմանագիրը, որով ստիպեցին հրաժարվել Սևրի դաշնագրից, Թուրքիային անցավ Կարսի մարզը, Սուրմալուի գավառը և Նախիջևանի հովանավորությունը:

Այնպես, որ Բաթումի պայմանագրից ամաչել պետք չէ: Պայմանագրի կնքումը իրավիճակը թելադրող գործողություն է եղել, անկախ Հայաստանի առաջին միջազգային փաստաթուղթը, որը բարեբախտաբար, չի վավերացվել ո՛չ Հայաստանի և ո՛չ էլ

Թուրքիայի կառավարությունների կողմից և իր ուժը պահպանեց մինչև համաշխարհային պատերազմի ավարտը:



## ՕԳՏԱԳՈՐՎԱԾ ԳՐԱԿԱՆՈՒԹՅԱՆ ՑԱՆԿ

1. Միմոնյան Հր.

Հայոց պատմության հիմնահարցեր հնագույն ժամանակներից մինչև մեր օրերը, Եր.:  
Զանգակ 97, 2000-488 էջ:

2. Հայ ժողովրդի պատմություն, 1 հատոր

3. Վրացյան Ս., Խորհրդային Հայաստան

4. Խատիսյան Ա., Խորհրդային Հայաստան

5. <http://www.aha.am/index.php?lang=arm&s=armenia>

6. Ծ. Պ. Աղայան

«Հայ ժողովրդի պատմության նկարագրող ակնարկներ»